

孔

叢

子

進孔叢子表

臣咸言准中書札子以臣注孔叢子奉

聖旨附遞投進者集孔氏之遺書方成傳釋
辱漢家之大詔廣示甄收退省妄庸實深震

悸

臣咸

誠惶誠恐頓首頓首臣竊以仲尼以

還子思而後聖嗣不絕賢才挺生皆道被於
門人悉教施於侯氏古今制度曲盡於討論
禮樂綱衡並歸於矩矱成書雖在歷年滋深

蓋著非一時故語類三豕臣咸伏念上卷蓋
闕里之事業中篇乃聖人之子孫儻絕筆而
未明則後代而何覩因以吏隙輒然管窺取
諸史以究尋用群經而叅驗既指歸而斯得
復刪定以無繁為注之文廣析其理然小臣
之學古當

真主之好儒有所述傳豈宜隱去遂刻其奏
用文于天豈謂

體天法道欽文聰武聖神孝德

皇帝陛下惟極宜慈未嘗自聖雖微言而必
采在介善以無遺遽降

玉音下從人欲臣是敢虔効編摩之制仰塵
黻纁之明雖姓異卯金素非於廣學倘恩垂
乙夜特賜於詳觀

詔近侍以刊修許善工而摹鏤叅汲冢之蠹
簡大行於時庶鄢人之緒言不墜于地則非

獨孤生之有遇抑亦素教之增輝永期大忠
仰酌鴻造臣無任干

天冒

聖激切屏營之至所注孔叢子七卷謹寫成
五冊附遞投進以

聞伏候

勅旨

嘉祐三年十二月十日廣南西路諸軍州水

陸計轉運使無本路勸農使朝散大夫尚書
度支郎中上輕車都尉

賜紫金魚袋臣宋咸上表

注孔叢子序

孔叢子者乃孔子八世孫鮒字子魚仕陳勝
爲博士以言不見用託目疾而退論集先君
仲尼子思子上子高子順之言及已之事凡
二十一篇爲六卷名之曰孔叢子盖言有善
而叢聚之也至漢孝武朝太常孔臧又以其
所爲賦與書謂之連叢上下篇爲一卷附之
于末然士大夫號藏書者所得本皆豕亥魚

魯不堪其讀臣凡百購求以損益補竄近始
完集然有語或淺固弗極於道疑後人增益
乃悉誅去義例繁猥隨亦刪定因念彼鬼谷
尉繚庚桑靈真浮夸汪洋之說尚且命氏于
世矧是書所載皆先聖之言三代之術六藝
之要在焉非諸子之流也又可泯而不稱耶
故敢具所以然注而示諸學者云嘉祐三年
戊戌歲二月日提點廣南西路諸州軍刑獄

公事兼本路勸農事朝散郎守尚書屯田郎
中上輕車都尉賜緋魚袋借紫臣宋咸謹序

上原缺

成歲二月日臣咸謹序

孔叢子卷第一

臣咸注

嘉言第一

是書之第乃以仲尼子思子上子高子順子祢子孫之言為之先後嘉言名篇有取夫子應答之善言云尔

夫子適周見萇弘言終退萇弘語劉文公曰

萇弘周大夫萇叔也劉文公王卿士劉學

之子文公卷也劉畿內之國

吾觀孔仲尼有聖人之表河目而隆顙

且曰言

也蓋額也黃帝之形貌也脩肱而龜背

言肱長背隆

長九尺有六寸成湯

之容體也然言稱先王躬履廉讓洽聞強記博物不窮抑

亦聖人之興者乎劉子曰方今周室衰微

時當

而諸侯力爭

孔丘布衣聖將安施萇弘曰堯舜文武之道或弛而墜

崩喪亦正其統紀而已矣

言仲尼雖不得其位以行堯舜文武之道亦可正統紀而已祖述憲章然既

而夫子聞之曰吾豈敢哉亦好禮樂者也

陳惠公

惠公陳悼太子師之子吳也蓋楚平王立之

大城因起凌陽之臺未終而坐法

死者數十人又執三監吏將殺之

監吏即監起臺之吏

夫子適陳聞之見

陳侯與俱登臺而觀焉夫子曰美哉斯臺自古聖王之為城

臺未有不戮一人而能致功若此者也陳侯默而退遽竊赦

所執吏既而見夫子問曰昔周作靈臺亦戮人乎荅曰文王之

興附者六州六州之衆

仲尼稱文王三分天下有其二蓋言九州之有六州則文王所感雍梁荆豫徐揚之六州餘一

分與荆荆

各以子道來故區

之臺未及期日而已成矣

文王受命

作也千也其乃及靈臺所以觀彼象民樂其有德德故庶民子來經始而不日成之

何戮之有乎夫以少少之

我能立大大之功唯君爾王張曰女子必漸乎二十而後嫁何

也孔子曰十五許嫁而後從夫是陽動而陰應

蓋三十之男陽之數二十之女陰之義

男唱而女隨之義也以為績組紉織絰者

組綬也紉縹也絰亦織也又作紃

女子

之所有事也黼黻文章之義

黼若斧形黻若兩己相戾赤与青謂之文白与赤謂之章白与黑謂

之謂里與青謂之數

婦人之所有大功也必十五以往漸乎二十然

後可以通乎此事通乎此事然後乃能上以孝於舅姑下以事

夫養子也

宰我使于齊而反見夫子曰梁丘據

梁丘據齊大夫子猶也

遇虺毒三旬

而後瘳朝齊君齊君會大夫衆賓而慶焉弟子與在賓列

大夫衆賓並復獻攻療之方弟子謂之曰夫所以獻方將為

病也今梁丘已療矣而諸夫子乃復獻方將安施意欲梁丘

大夫復有虺害當用之乎衆坐默然無辭弟子此言何如夫子

曰汝說非也夫三折肱為良醫梁丘子遇虺毒而獲療諸有

與之同疾者必問所以已之方焉

已上

衆人為以此故各言其

方欲售之以己人之疾也

欲售猶欲驗之也

凡言其方者稱其良

也且以參據所以已之方優劣耳

夫子適齊晏子就其館既宴其私焉

私謂竊訪齊之所以危亡

曰齊其危矣

璧若載无轄之車以臨千仞之谷其不顛覆亦難與也子吾心

也子以齊為游息之館當或可殺子幸不吾隱也夫子曰夫死

病不可為醫夫政令者人君之銜轡所以制下也今齊君失之

已久矣子雖欲挾其軛而扶其輪良弗及也抑猶可以終齊君

及子之身過此以往齊其田氏矣

後田常殺簡公田和通康公于海濱呂氏范卒有齊國焉

齊東郭亥

亥齊大夫東郭賢之族賢非曰子行樹止之黨也

欲攻田氏執賢見夫子而

訪焉夫子曰子為義也立不足與計事捐子責使答之子責謂

之曰今子士也位卑而圖大位卑則人不附也圖大則人憚之

殆非子之任也盍姑也

姑且

已乎夫以一縷之任繫千鈞之重

鉅上懸之於无極之高下垂之於不測之深旁人皆哀其絕

而造之者不知其危子之謂乎馬方駭鼓而驚之繫方絕重

而填之

直也

馬奔車覆六轡不桡繫絕於高墜入於深其危

必矣東郭亥色戰而跪曰吾已矣願子無言既而夫子告子貢

曰東郭亥欲為義者也子亦告之以難易則可矣奚至懼之哉

宰我問君子尚辭乎孔子曰君子以理為尚博而不要非所察

也繁辭富說非所聽也唯知者不失理孔子曰吾於子取其言

之近類也

謂倫類

於賜取其言之切事也近類則足以喻之切事

則足以懼之

謂若此與之言

論書第二

論書者蓋仲尼與諸侯弟子析白尚書之義然自子張問聖人受命自有歸在下子夏問書大義凡三事舊在嘉言篇臣臧今

易之於此首

庶一貫焉

子張問曰聖人受命必受諸天而書云受終于文祖何也孔子

曰受命於天者湯武是也受命於人者舜禹是也

受命於天者順天以誅惡非湯

武而何受命於人者順人以

歸義也非舜禹而何夫不讀詩書易春秋則不知聖人之

心又死以別堯舜之禪湯武之伐也聖人以百姓心為心故詩書易春秋之為教本於是

子張問曰禮丈夫三十而室者昔舜三十徵庸而書云有鰥在

下曰虞舜何謂也義師聞諸夫子曰聖人在上君子在位則內

无怨女外无曠夫堯為天子而有鰥在下何也孔子曰夫男子

二十而冠冠而後娶古今通義也舜父頑母嚚莫能面室家之

端至故逮三十而謂之鰥也詩云娶妻如之何必告父母父母

在則豆笄婚若已歿則已之娶必告其廟今舜之鰥乃父母之

頑嚚也不孝有三无後為大故舜不告而娶父頑母嚚然雖堯為天子其如舜何父頑母嚚

元聖亦元如之何

子夏問書大義子曰吾於帝典見堯舜之聖焉於大禹皋陶謨

益稷見禹稷皋陶之忠勤功勳焉於洛誥見周公之德焉故帝

典可以觀美禮記聖賢之類稱大禹謨禹貢可以觀事謂位賢運德

禮記樂之美

皋陶謨益稷可以觀政謂典章教象之改洪範可以觀度謂皇極彝

恭誓可以觀議謂天命之義五誥可以觀仁謂帶民之人甫刑可以觀

誠謂欽慎之戒通斯七者則書之大義卒矣

孔子曰書之於事也遠而不闊近而不迫志及而不怨辭順而

不誦吾於高宗彤日見德有報之疾也苟由其道致其仁則

遠方歸志而致其敬焉德昭則異矣况於人乎吾於洪範見君子之不忍

言人之惡而質人之美也獲乎中而見乎外以成文者其唯洪

範乎心悅於德而錫之福以至乎大中非獲中見外而何

子張問曰堯舜之世一人不刑而天下治何則以教誠而愛深

也龍子以為一夫而被以五刑龍子趙岐謂古之收其者蓋嘗有此語敢問何謂

孔子曰不然五刑所以佐教也龍子未可謂能為書也以龍子失書之義

子夏讀書既畢而見於夫子夫子謂曰子何為於書子夏

對曰書之論事也昭昭然若日月之代明離々然若星辰之錯

行上有堯舜之道下有三王之義凡裔之所受書於夫子者志

之於心弗敢忘雖退而窮居河濟之間深山之中作壤室編蓬

戶壤室猶穴上而居然常於此彈琴以歌先王之道則可以發憤慷喟

忘已貧賤故有介樂之無从亦樂之上見堯舜之德下見三王

之義勿不知憂患與死也夫子愀然變容曰愀然不嘻子殆可

與言書矣雖然其亦表之而已未覩其裏也表者禮樂仁義之美裏者天命之極

夫闕其門而不入其室惡覩其宗廟之奧百官之美乎

宰我問書云納于大麓麓錄也言火烈風雷雨弗迷何謂也孔

子曰此言人事之應乎天也堯既得舜歷試諸難已而納之於

尊顯之官使大錄萬機之政是故陰陽清和五星來備列風雨

各以其應不有迷錯愆伏明舜之行合於天也

宰我曰敢問禋于六宗何謂也也尊也尊而祭之有六神禋者煙也精者言其精肅也孔子曰所宗者六皆潔祀之也埋少年於

天也也精者言其精肅也孔子曰所宗者六皆潔祀之也埋少年於

太昭所以祭時也壇曰太昭以祭四時太昭也昭祖迎於坎壇所以

祭寒暑也祖送也言或迎寒而送暑或迎暑以送寒主於郊宮所

以祭日也王官主曰郊宮適王官祭日壇也言遠去焉祭或若宮室然夜明所以祭月也月主於夜

晦幽榮所以祭星也祭星壇曰幽榮言星則昧於雩雩所以祭水

旱也祭水旱壇曰雩雩者蓋雩者禋于六宗此之謂也

書曰茲予大享于先王爾祖其從與之享商書盤庚季桓子

問曰桓子魯正卿季平子之子名斯此何謂也孔子曰古之王者臣有大功死

則必祀之於廟所以殊有績勸忠勤也盤庚舉其事以厲其臣

臣故稱焉桓子曰天子之臣有大功者則既然矣諸侯之臣有

大功者可以如之乎孔子曰勞能定國功加於民大且死難雖

食之公廟可也桓子曰其位次如何孔子曰天子諸侯之目生則有列於廟死則有位於廟其序一也

書曰維高宗報上甲微

上甲微契後八世湯之先也於高宗時已為毀廟報謂祭也以報其德

定公問曰此何謂也孔子對曰此謂親盡廟毀有功而不及祖有德而不及宗故於每歲之大嘗而報祭焉有毀廟之主藏於祫祫廟中歟以古至祫禘大宗則出之此制所以昭其功德也公曰先君僖公功德前行或作可以與於報乎孔子曰丘聞昔虞夏商周以帝王行此礼者則有矣自此以下未之知也

定公問曰周書所謂庸祗威顯民何謂也

周書康誥之文言又王用可

新得可畏以此

孔子對曰不失其道明之於民之謂也夫能用可

用則正治矣苟可敬則尚賢矣畏可畏則服刑恤矣君審此三者以示民而國不與未之有也

子張問書云莫高山

夏書禹貢之文

何謂也孔子曰高山五嶽定其差

秩祀所視焉子張曰其礼如何孔子曰牲幣之物五岳視三公

小名山視子男子張曰仁者何樂於山孔子曰夫山者歸然高

子張曰高則何樂爾孔子曰夫山草木植焉鳥獸蕃焉_{不用出}

焉直而無私焉四方皆伐焉直而無私與吐風雲以通乎天地

之間陰陽和合雨露之澤万物以成百姓咸饗食此仁者之所

以樂乎山也

孟懿子

孟懿子魯大夫仲孫何忌懿謚也

問書曰欽四鄰何謂也孔子曰王者

前有疑後有承左有輔右有弼謂之四近言前後左右近且當

畏敬之不可以非其人也周文王耳附奔轅先後禦侮謂之

四鄰

晉杜預注猶相附奔轅猶寒集亦作疎

以免乎牖里之害

文王得四月以先牖里之害即散宜生闕大南宮括

也

孟懿子曰夫子亦有四鄰矣孔子曰吾有四友焉自吾得回

也門人加親非是豈附乎自吾得賜也遠方之士日至是非奔
轅乎自吾得師也前有光後有輝是非先後乎自吾得由也惡
言不至於門是非禦侮乎

孔子見齊景公梁丘據自外而至公曰何遲對曰陳氏戮其小

臣陳氏齊大夫之家有辟為為閔實是故遲公笑而目孔子曰周

書所謂明德慎罰周書康誥之文言文王能陳子明德也罰人而

有辟非不慎矣孔子答曰昔康叔封衛統三監之地命為孟侯

成王以城三監以封康叔為衛侯曰孟侯周公以成王之命作

康誥焉稱述文王之德以成勅誡之文其書曰惟乃不顯考文

王克明德慎罰克明德者能顯用有德舉而任之也慎罰者并

心而慮之衆平然後行之致刑錯也此言其所任不失德所罰

不失罪不謂已德之明也公曰寡人不有過言則安得聞君子

之教也

書曰其在祖甲不義惟王

周書无逸篇之文言湯孫太甲為王不義伊尹放之桐宮

公西赤曰聞

諸晏子湯及太甲武丁祖乙天下之大君

蓋赤也嘗聞晏子有是言

夫太甲

為王居喪行不義同稱君何也孔子曰君子之於人計功以除

過太甲即位不明居喪之禮而干冢宰之政伊尹放之于桐

思三王追悔前愆起而復位謂之明王以此觀之雖四於三王

不亦可乎

魯哀公問

哀公魯定公之子名將

書稱虞曰於予擊石拊石百獸率

舞庶尹允諧何謂也

舞典之文言虞之作樂感百獸相率而舞則人神和可知焉

孔子對曰

此言善政之化乎物也古之帝王功成作樂其功善者其樂和

樂和則天地且猶應之況百獸乎虞為帝舜樂正實能以

樂盡治理之情公曰然則政之大本莫尚虞乎孔子曰夫

樂所以歌其成功非政之本也

言所以成則樂非所以為政本

衆官之長既咸

熙熙然後樂乃和焉公曰吾聞夔一足有異於人信乎孔子曰

昔重黎舉夔嶽而進又欲求人而佐焉舜曰夫樂天地之精也唯

聖人焉能和六律均五声知樂之本以通八風夔能若此一而

足矣故曰一足非一足也公曰善

張華博物志解小山有鼓其形如鼓一足知禮豈非世傳之謠好帝

者之為耶雖以孔子是言也

記義第一

記義者言記夫子答弟子諸侯所問之義

季桓子以粟千鍾餽夫子

餽遺也家語稱孔子曰季孫賜我粟千鍾而交益親

夫子受之

而不辭既而以頒門人之無者子貢進曰季孫以夫子貧故致

粟夫子受之而以施人無乃非季孫之意乎子曰何對曰季孫

以爲惠也子曰然吾得千鍾所以受而不辭者爲季孫之惠

且以爲龍也夫受人財不以成富與季孫之惠於一人豈若惠

數百人哉

秦莊子死孟武伯

莊子魯大夫武伯諡子仲孫彘武諡也

問於孔子曰古者同

寮有服乎荅曰然同寮有相友之義貴賤殊等不為同寮聞

諸老聃昔者號叔閑天太鎮散宜生南宮括五臣同寮比德以

贊文武及號叔死四人者為之服朋友之服古之達礼者行之

也

四人為服史不載其事老聃有齡疑其說故曰聞之云

公父文伯死

公父文伯魯大夫季悼子之孫公父穆伯之子名敬

室人有從死者其母怒而不

哭

其用勤

相室諫之

相室蓋其家老也

其母曰孔子天下之賢人也不

用於魯退而去是子素宗之而不能隨今死而內人從死者二

人焉若此於長者薄於婦人厚也既而夫子聞之曰季氏之婦

尚賢哉子路愀然對曰夫子亦好人之譽已乎天子死而不

哭是不慈也何善爾子曰怒其子之不能隨賢所以為尚

賢者吾何有焉其亦善此而已矣

家語國語亦載其事每曰吾聞好死吾惡其以好內問也二三婦之欲供先者祀請元瘠色无揮涕无慙靡无哀容无加服有降服从礼而靜是昭吾子也孔子聞之曰女知无若婦男若其侍与此文異未知孰是焉史記所載与此義同

莫若夫公父氏之婦知矣剖情損礼欲以明其子為令德也

衛出公

出公名輒靈公孫太子蒯聵之子

使人問孔子曰寡人之任臣無大小一

自言觀察之德後失人何故荅曰如君之言此即所以失之

也人既難知非言問所及觀察所盡且人君之慮者多多慮

則意不精以不精之意察難知之人宜其有失也君未之聞

乎昔者舜臣堯

言舜目事堯之時

官才任士堯一從之

言一從舜所選任

左右曰

人君用士當自任耳目而取信於人無乃不可乎堯曰吾之舉

舜已耳目之矣今舜所舉人吾又耳目之是則耳目人終無已

已也

言舜之舉人吾又親耳目之則其已之用耳目无已時矣

君苟付可付

付可付亦如堯之付舜具已不勞

而賢才不失矣

子貢問曰昔孫文子

孫文子衛卿林父也得罪於衛侯公以威叛而奔首

以衛侯哭之不哀知

其將為亂不敢捨其重器而行盡實諸戚

戚乃其所居之邑戚作宿

而善首

大夫二十人或稱其知何如孔子曰吾知其為知也人未知其

為知也

善音大夫二十人謂能結其勸心

子貢曰敢問何謂也子曰食其祿者必死

其事孫子知衛君之將不君不念伏死以爭而素規去就利

攜貳非人臣也

尸主也攜貳猶違式也言心主利而違式

目而有不臣之心明君所不放

幸哉孫子之以此免戮也

史記稱孫文子攻出衛獻公獻公奔齊遂與齊公

使衛獻公與文子文子奔齊復求孔子

孔子使宰予使于楚昭王

昭王楚平王之

子名以安車象飾

飾以象牙飾其車

因宰予以遺孔子焉

貴賤

宰子曰夫子

無以此為也王曰何故對曰臣以其用思其所在觀之有以知

其然王曰言之宰予對曰自臣侍從夫子以來切見其言不離

道動不違仁貴義尚德清素好儉士而有祿不以為積不

合則去退無吝心妻不服綵妾不衣帛車噐不彫馬不食粟道

則行樂其治不行則樂其身此所以為夫子也若夫觀見之靡靡

窈窕之淫音夫子過之弗之視遇之弗之聽也故臣知夫子之

無用此車也王曰然則夫子何欲而可對曰方今天下道德寢

息其志欲與而行之天下誠有欲治之君能行其道則夫子雖

徒步以朝固猶為之何必遠辱君之重貺乎重貺謂象乎王曰乃今

而後知孔子之德也大矣宰予歸以告孔子孔子曰二三子以

子之言何如子貢對曰未盡夫子之美也夫子德高則配天深

則配海若子之言行事之實也子曰夫言貴實使人信之舍實

何稱乎是賜之華不若予之實也天海之言非人所能際極故不若以行事之實

孔子適齊景公讓登夫子降一等景公三辟然後登讓降其階故降

等之既坐曰夫子降德辱臨寡人寡人以為榮也而降階以遠

自絕於寡人寡人未知所以為罪孔子答曰君惠顧外臣君之

賜也然以匹夫敵國君非所敢行也雖若私之其若義何

顏籛籛魯人也善事親子路義之後籛以非罪執於衛將死子路請

以金贖焉衛人將許之既而二三子納金於子路以入衛三子弟

仲由以入衛或謂孔子曰受人之金以贖其私昵義乎私親也

子曰義而贖之貧取於友非義而何愛金而令不辜陷辟辟法

凡人且猶不忍况二三子於由之所親乎詩云如可贖兮人百

其身秦風哀三苟出金可以生人雖百倍古人不以為多故二

三子其款由也成其義非汝之所知也

孔子讀詩及小雅喟然而歎曰喟然天息貌吾於周南召南見周

道之所以盛也六州之人浸被大正季文王之化故王風所起焉於栢舟見匹夫執志

之不可易也雖不見用而不怨於淇澳見學之可以為君子

此武公年九十有五猶嚴師於師長士以懿戒自勵於考槃見道立

之士而不悶也雖窮處不志君之於木瓜見苞苴之禮行也

此於緇衣見好賢之心至也大德之盛而使於雞鳴見古之君子不

忘其勗也以蠅聲為雞月光於伐檀見賢者之先事後食也取禾

非乃有類是知補於蟋蟀見陶唐儉德之大也訓亦至焉於下泉見

亂世之思明君也謂此宣成於七月見國公之所造周也王之勤

見是於東山見周公之先公而後私也於狼跋見周

公之遠志所以為聖也謂此宣成於鹿鳴見君臣之

有禮也目之忠也亦至於彤弓見有功之必報也宣成

於羔羊見善政之有應也由文王之化於節見忠臣之憂世也

於不戒於戮義見孝子之思養也於四月見孝子之

思祭也小雅四月章刺幽王以在位貪殘下國構禍於棠者華見古之

賢者出保其祿也昏主則不能致是於采菽見古之明王所以敬諸侯也
仲尼居常言詩固多矣子思不能悉錄但舉其略

孔子晝息於室而鼓琴焉閔子自外聞之以告曾子曰嚮也
夫子之音清徹以和淪入至道今也更為幽沈之聲幽則和款
之所為發沈則貪得之所為施夫子何所之感若是乎吾從子
入而問焉曾子曰諾二子入問孔子孔子曰然汝言是也吾有
之向見猫方取鼠一作狸非也欲其得之故為之音也汝二人者孰
識諸問汝二人孰能識此曾子對曰是閔子曾子對以焉是閔子知此夫子曰可與聽
音矣

孔叢子卷第一

孔叢子卷第二

臣咸注

刑論第四

夫刑以先民遂至於道雖刑為輔亦自情設故夫子之論獨名于篇此有論書者四然皆主於刑義故不附於前

仲弓問古之刑教與今之刑教孔子曰古之刑省今之刑繁其為教古有禮然後有刑是以刑省今无禮以教而齊之以刑刑是以繁書曰伯夷降典折民維刑書呂刑之文言堯命伯夷下禮典以教民而折折以法謂下禮以教之然後維以刑折之也夫无礼則民无耻而正之以刑故民苟免

孔子適衛衛將軍文子問曰

文子衛卿名弥牟

吾聞魯公父氏

公父氏魯大夫季氏

不能聽獄信乎孔子荅曰不知其不能也夫公父氏之聽獄有罪者懼无罪者耻文子曰有罪者懼是聽之察刑之當也无罪者耻何乎孔子曰齊之以礼則民耻矣刑以止刑則民懼矣文

子曰今齊之以刑刑猶弗勝何禮之齊孔子曰以禮齊民譬之於御則轡也以刑齊民譬之於御則鞭也執轡於此而動於彼御之良也无轡而用策則馬失道矣

捨書而用策則馬失道去禮而任刑則民忘生

孟子曰

以御言之左手執轡右手運策不亦速乎若徒轡无策馬何

懼哉孔子曰吾聞古之善御者執轡如組兩驂如舞非策之助

也

鄭風大叔于田篇言駉服和也

謂中節如組者如織組之焉是以先王盛於禮而薄於刑故民

從命今也廢禮而尚刑故民弼暴文子曰吳越之俗无礼而亦

治何也孔子曰夫吳越之俗男女无别同川而浴民輕相犯故

其刑重而不勝由无礼也中國之教為外內以别男女異器服

以殊等類故其民篤而法其刑輕而勝由有礼也

孔子曰民之所以生者衣食也上不教民、匱其生飢寒切於

身而不為非者寡矣故古之於盜惡之而不殺也今不先其

教而一殺之是以罰行而善不反刑張而罪不省夫赤子知慕

其父母由審故也况為政興其賢者而廢其不賢以化民乎知

審此二者則上盜先息上盜猶大盜書曰茲殷罰有備周書康誥之文言此殷家刑罰

有倫理者亦當兼用之子張問曰何謂也孔子曰不失其理之謂也今諸侯

不同德每君異法折獄無倫以意為限是故知法之難也子張

曰古之知法者與今之知法者異乎孔子曰古之知法者能遠

遠謂能止其原以禮教先之也今之知法者不失有罪不失有罪其於怨寡矣

既不先禮復不能遠則於獄其防深矣寡怨近乎濫防深治乎

本書曰維刑所以別罪敬五刑以成三德言敬刑所以為德矣周書呂刑之文言教以惟敬五

刑所以別罪正直之三德

書曰非從維從周書呂刑去察辭于差非從惟從言察內辭孔子曰君

子之於人也有不語也无不聽也有不語則已語則无不聽在審其真偽焉况聽訟乎

必及其辭矣夫聽訟者或從其情或從其辭辭不可從必斷以情書曰人有小罪非責乃惟終自作不典式爾有厥罪小乃不可不殺乃有大罪非終乃惟責災適爾既道極厥辜時乃不可殺周書康誥之文皆過也災害也典常也式用也適從也既盡也言人有小罪過誤乃惟終自作不常用犯汝厥罪雖小乃不可不殺也乃有大罪非終乃惟過誤難有其害從汝盡聽訟之道以極其罪是亦不可殺必以罰宥論焉

曾子問聽獄之術孔子曰其大法有三焉治必以寬寬之之術

歸於察夫寬則民慢則其察之之術歸於義夫察甚則或過乎

是故聽而不寬是亂也夫聽大禹則失於詳寬而不察是慢也察

而不中義是私也私謂刑失其私則民怨故善聽者雖不越辭

辭不越情情不越義夫善聽者得辭則審之書曰上下比罰无僭

乱辭周書呂刑之文言上下北方其

書曰哀敬折獄周書呂刑之文言當京仲弓問曰何謂也孔子曰古

之聽訟者察貧窮哀孤獨及鰥寡老弱不肖而无告者雖得

其情必哀矜之死者不可生斷者不可屬屬續也若先而刑之

謂之悖弱而刑之謂之克不赦過謂之逆卑陶云有是元大刑故无小是則過雖大可有

焉此去不赦過焉逆是並於過矣率過以小罪謂之枳枳一作積猶傷也夫過則宜宥

焉之大故宥過赦小罪老弱不受刑先王之道也書曰大辟疑

赦周書呂刑之文言大辟死刑疑則亦赦又曰與其殺不辜寧失不經大禹謨之文言寧失不常之罪

不枉不華之人書曰若保赤子周書康誥之文言愛民若赤子然不使失其欲子張問曰聽

訟可以若此乎孔子曰可哉古之聽訟者惡其意不惡其人非

然其人俱誤其意之有誣言求所以生之不得其所以生乃刑之君必與眾共

為愛民而重弃之也是所謂刑人於市與眾弃之也今之聽訟者不惡其意而惡

其人求所以殺是反古之道也蓋以喜於愛惡而為之刑非反古而何

孟氏之臣叛此周之武伯問孔子曰如之何荅曰臣人而叛天下

所不容也其狀自反子姑待之也且三旬果自歸孟氏武伯將執

之訪於夫子夫子曰無也子之於臣禮意不至是以去子夫礼不

不通音不通則疑所以生疑生則去矣今其自反罪以反除又何報焉此所謂過而能改善莫大焉故

李廣殺降其世相其非也子脩禮以待之則臣去子將安往武伯乃止

記問第五諸有問焉夫子以法度之言焉之復故目而記之

夫子間居喟然而嘆喟然大息之聲子思再拜請曰孔伋字子思孔子之孫鯉之子年六十二

音字孫不脩將忝祖乎也忝辱羨堯舜之道恨不及乎夫子曰

尔孺子安知吾志子思對曰伋於進瞻亟聞夫子之教其父析

薪其子弗克負荷是謂不肖伋每思之所以大恐而不解也夫

子忻然笑曰然乎吾无憂矣其廢業其克昌乎以子思知人恐析薪之憂

故所以子思問於夫子曰為人君者莫不知任賢之逸也而不能

能用賢何故子曰非不欲也所以官人失能者由於不明

也其君以文言為貴以毀為罰賢者不居焉

言已者貴之毀已者罰之則賢人去而使人至矣

矣夫人主不可不察焉

子思問於夫子曰亟聞夫子之詔詔告正俗化民之

政莫善於禮樂也管子任法以治齊而天下稱仁焉是法與禮

樂與用而同功也何必俱禮樂哉

言法則已何必俱禮樂

子曰堯舜之

化百世不輟仁義之風遠也管仲任法身死則法息嚴而寡息

也若管仲之知是以定法材非管仲而專任法終必亂成矣

非猶孟軻所謂非伊尹之心則其然也

子思問於夫子曰物有形類事有真偽必審之奚由子曰由乎

心心之精神是謂聖推數究理不以疑

心誠神通則數不能遁

周其所察

聖人難

言難聖人猶難知其言者可不慎乎

趙簡子

簡子嘗卿趙文子之子趙鞅也使聘夫子夫子將至焉及河聞鳴

犢與竇

雞十之見殺也迴廬而旋之衛息鄒遂為操曰或作鳴

之特頃此一而後取及已得志殺之夫鳴獸之於不義尚知避

之况乎自哉乃還息手周道衰微礼樂陵遲文武既墜吾

將焉師周將天下靡邦可依鳳鳥不識珍室梟鳴言不識鳳鳥

於眷然顧之慘焉心悲巾車命駕將適唐都晉乃唐非黃河

洋洋攸攸之魚即津不濟還轅息鄒傷予道窮哀彼无辜傷

已之道窮復哀彼羽翔于衛復我舊廬從吾所好其樂只且

二人无辜見殺哀公哀公使以幣如衛迎夫子而卒不能賞魯哀公雖迎之故夫子

作丘陵之歌詩稱周道如砥其直如矢言明王之道砥平矢直故

曰登彼丘陵荆施其阪荆施猶崎嶇相屬也丘陵既高且險其阪

仁道不述求之若遠仁道本近人自以為遠而不能求之迷

不復自顧時王諸侯既迷塗喟然廻慮題彼泰山猶

頤也泰山謂魯也言飛諸國既死於對確其高粱甫廻連枳棘充

路陟之無緣將伐無柯患茲蔓延惟以求歎涕零自潺湲言頓

還公室既翦確而險大夫亦亂如枳棘之滿路吾
欲代去之乃无斧柯梁甫泰山下之小山指三桓也

楚王使使奉金帛聘夫子時楚昭王欲以書社地七百里
封孔子為令尹子西陳而止宰子冉

有曰夫子之道於是行矣遂請見問夫子曰太公勤身苦至八

十而遇文王孰與許由之賢堯故以天下神許由而許由遁去
太公八十乃事文王問二人孰賢

夫子曰許由獨善其身者也太公兼利天下者也然今世无文

王之君也雖有太公孰能識之言今天下无文
王楚安能用我乃歌曰大道隱

兮礼焉基言今天下无文
王楚安能用我故吾將何適

叔孫氏之車子曰鉏商推於野而獲獸焉春秋經家公十四年
西伯獲麟左氏曰而

仲於大野叔孫氏之車子鉏
商獲麟与此云推於野小殊衆莫之識以為不祥弃之五父之衢

也冉有告夫子曰腐身而肉角豈天之妖乎尔雅云麟麕身
牛尾一角毛詩

義疏曰麟馬足黃
色圓蹄角端有肉夫子曰今何在吾將觀焉遂往謂其御高

柴曰若求之言其必麟乎到視之果信言偃問曰飛者宗鳳走者宗麟為其難致也敢問今見其誰應之子曰天子布德將致太平則麟鳳龜龍先為之祥今周宗將滅天下无主孰為來哉遂泣曰予之於人猶麟之於獸也麟出而死吾道窮矣乃歌曰

唐虞世兮麟鳳遊今非其時來何求麟兮麟兮我心憂

雜訓第六

諸侯弟子有所請而子思訓之非一理故曰雜焉

子上雜所習請於子思

謂諸子百家非聖人之道者

子思

曰先人有訓焉字必由聖所以致其材也厲必由砥所以致其刃也故夫子之教必始於詩書而終於禮樂雜說不當焉又何請子思謂子上曰白乎五學深有思而莫之得也於今則寤焉吾嘗企有望而莫之見也登高則覩焉是故雖有本性而加

之以學則无惑矣性雖誠不加李无以極其道目聯

縣子問子思曰縣子名瑱吾聞同聲者相好子之先君見子

產時則兄事之子產國僑鄭成公少乃也相鄭為人仁愛而世謂子

產仁愛稱夫子聖人是謂聖道事仁愛乎世謂子產乃仁愛之人

兄事子產是謂以吾未諭其人之孰先後也故質於子言我不知其孰先後也

子思曰然子之問也昔季孫問子游亦若子

之言也子游亦若子子游答曰以子產之仁愛譬言

夫子其猶浸水之與膏雨乎仁愛之與猶浸水及物自而易知聖

康子曰子產死鄭人丈夫舍玦珮婦女舍珠璣言丈夫无服佩

其飾其巷哭三月等瑟不作夫子之死也吾未聞魯人之若是

也美哉子游曰夫浸水之所及也則生其所不及則死故民

皆知焉夫物得水則生不得水則死故民皆知膏雨之所生也廣莫大焉民之受賜

也普矣莫識其由來者上德不德是以无德季孫曰善縣子
曰其然

孟子車尚幼請見子思子思子車一作子居即孟軻也蓋軻常師子

居先儒亦稱軻字子子思見之甚悅其志命子上侍坐焉礼敬

子車其崇子上不願也不願言子車之大優也客退子上請曰白聞

士無介不見古者主有擯客有介諸侯七擯五介大夫五擯五介士三擯三介女无媒不嫁孟孺子

無介而見大人悅而敬之白也未諭敢問子思曰然吾昔從夫

子於郊遇程子於途程子為天下之賢士傾蓋而語終日而別

命子路將束帛贈焉以其道同於君子也今孟子車孺子也言

稱堯舜性樂仁義世所希有也事之猶可況加敬乎非尔所及也

子思在魯使以書如衛問子上時子上在衛子上北面再拜受書

伏讀然後與使者宴遂為復書返中庭北面再拜以受使者

既受書然後退使者還魯問子思曰吾子堂上南面立授臣書

事畢送臣子上中庭拜授臣書而不送何也子思曰拜而不送

敬也使而送之賓也言賓則送之今書于父所非敢以賓禮送

魯人有同姓死而弗吊者人曰在禮當免言當為免服不免當弔

不弔有司罰之如之何子之尤吊也荅曰吾以其踈遠也子思

聞之曰無恩之甚也昔者季孫問於夫子曰季孫子肥百世之宗

有絕道乎子曰繼之以姓義无絕也故同姓為宗合族為屬雖

國子之尊國子諸侯卿大夫之子不廢其親所以崇愛也是以綴之以食

序列昭穆万世婚姻不通思篤之道然也

魯穆公訪於子思曰穆公魯元公之子名顯寡人不得嗣先君之業三年矣

未知所以為令名者且欲掩先君之惡以揚先君之善使談者

有述焉為之若何願先王教之也子思荅曰以伋所聞舜禹之

於其父非勿欲也以爲私情之細不如公義之大故弗敢私之

焉耳

言叟無善難

責以虛飾之教又非似所得言

魯自卓

已卑

三桓之家

公曰思之可以利民者

復問亦有可以利民之事乎

子思

曰顧有惠百姓之心則莫如一切除非法之事也毀不居之室

以賜窮民奪嬖寵之祿以振困匱元令人有悲怨而後世有

聞見抑亦可公曰諾

縣子問子思曰顏回問焉邦夫子曰行夏之時若是殷周異

正焉非乎

縣子填言夏以建寅爲正夫子是則商以子丑爲正乃非乎

子思曰夏數得天堯

舜之所同也

夏以寅爲正得天數

殷周之王征伐革命以應乎

天因改正朔若云天時之改尔故不相因也

易武革命所以應天故亦變其正朔蓋

言若受

天命然夫受禪於人者則龍襲其統

夏因人心之歸以受舜禪故亦因其朔不改

受命

於天者則革之所以神其事如天道之變然也三統之義夏

得其正是以夫子云

穆公問於子思曰立太子有常乎答曰有之在周公之典言周典

公曰昔文王舍適而立其次文王舍其嫡長伯邑考而立次子武王發微子舍孫而

立其弟微子舍其孫臧而是何法也子思曰殷人質而尊其尊

故立弟周人文而親其親故立子亦各其礼也文質不同其礼

則異文王舍適立次權也以武王賢故公曰苟得行權豈唯聖

人唯賢與愛立也子思曰聖人不以權教權者見義而作故立

制垂法順之為貴若必欲犯何有於異既不能順其法違而犯

公曰舍賢立聖舍愚立賢何如言或舍其賢子而立其聖子

思曰唯聖立聖其文王乎不及文王者則各賢其所愛不殊於

適何以限之言有不及文王者能推其所愛之必不能審賢愚

之分請父兄羣臣卜於祖廟亦權之可也脫不能審其賢愚則

亦惟之
義也

孟子問牧民何先子思曰

軻子思弟子也

先利之曰君子之所以教民

亦仁義固所以利之乎子思曰上不仁則下不得其所上不義

則樂為亂也此為利大矣故易曰利者義之和也又曰利用安

身以崇德也此皆利之大者也

蓋言非財利之利

居衛第七

子思久去於魯以居于衛中有在齊適宋之言蓋本自衛而往故主衛各篇

子思居衛言苟變

一作苟變各也衛人

於衛君曰

蓋衛昭公也

其材可將五百

乘君任軍旅率得此人則無敵於天下矣衛君曰吾知其材

可將然變也嘗為吏賦於民而食人二雞子以故勿用也子思

曰夫聖人之官人猶大匠之用木也取其所長弃其所短故杞梓

連抱而有數尺之朽良工不弃何也知其所妨者細也卒成不

訾之器今君處戰國之世選八千之士而以二雞焉弃千城之

將此不可使聞於鄰國者也衛君再拜曰謹受教矣傳族齊而中與管仲鮑叔帶齊桓統之而霸諸侯陳平盜嫂漢高用之而有天下是皆不以細行奔大材鳴呼世主有以撈跌而奔非
常之二者豈非此之謂乎子思適齊君之嬖臣美鬚眉立乎側齊君蓋有平公也
齊君指之而笑且言曰假貌可相易寡人不惜此之鬚眉於先生也言假使人貌可以相改易則吾不惜此髮安臣之貌而易与先生子思曰非所願也所願者惟君脩禮義富百姓而仅得寄帑於君之境內帑乃其帑也從繼負之列其庸多矣若無此鬚眉非仅所病也昔堯身脩十尺眉乃八彩實聖舜身脩八尺有奇奇餘也言二尺有餘臣願無毛亦聖禹湯文武及周公勤思勞躬或折臂望視望視猶若望羊視或禿骨背僂亦聖骨也不以鬚眉美鬚眉為稱也人之賢聖在德豈在貌乎且吾性無鬚眉而天下王侯不以此損其敬由是言之仅徒患德之不邵美也不病毛鬚眉之不茂也

千思謂子上曰有可以為公之尊而富貴人衆不與焉者非惟

志乎

惟志之正則可以踰公侯之尊

成其志者非唯無欲乎夫錦繡紛華

所服不過溫舂三牲大牢所食不過充腹知以身取節者則知

足矣苟知足則不累其志矣

志無所累則可驕王公故顏子之所以樂內也

曾子謂子思曰昔者吾從夫子廵守於諸侯夫子未嘗失人臣

之禮而猶聖道不行今吾觀子有傲世主之心無乃不容乎子

思曰時移世異人有宜也當吾先君周制雖毀君臣固位上下

相持若一舂然

言夫子時周室雖陵遲然諸侯尚有款以各尊周者

夫欲行其道不執禮

以求之則不能入也今天下諸侯方欲力爭競招英雄以自輔

翼此乃得士則昌失士則亡之秋也

周自敬王時與子朝爭立屢出自敬王崩當元定主

時周已大亂諸侯爭雄

伋於此時不自高人將下吾不自貴人將賤吾舜

禹揖讓湯武用師非故相詭乃各時也

易曰知至之可與知終之可與

存義也其北之謂乎

子思在齊

尹文子

尹文子齊大夫有書三卷行於世皆言治道

生丁不類

怒而杖之告子思曰此非吾子也吾妻死不婦吾將黜之子思

曰若子之言則堯舜之妃復可疑也此二帝聖者之英而丹朱

商鈞不及匹夫以是推之豈可類乎然卒其多者有此父斯有

此子道之常也若夫賢父之有愚子此由天道自然

道之常猶賢父而有愚子蓋由乎天道堯舜是也非子之妻之罪也尹文子曰先生止之

願无言文留事矣

孟軻問子思曰堯舜文武之道可力而致乎子思曰彼人也我

人也稱其言履其行夜思之晝行之滋焉汲焉如農之赴

時商之趨利惡有不至者乎

夫子曰我欲仁斯仁至矣此之謂焉

子思謂孟軻曰自大而不脩其所以大不大矣日異而不脩其

所以異不異矣故君子高其行則人莫能階也遠志則人莫能

及也。禮接於人，人不敢慢；辭交於人，人不敢侮。其唯高遠乎？

仲尼之所以不自仁聖，詩云：高山仰止，景行止。易曰：謙尊而光，卑而不可喻，豈非此之謂乎？

申祥問曰：申祥，顓孫之子。殷人自契至湯，而王周人自弃至武王而

王周譽之後也。帝嚳次妃簡狄生契，舜命作司徒，為商之祖。帝嚳元妃姜嫄生舜，舜命作后稷，為周之祖。周

人追王大王王季文王。大王，古公亶父也。王季，古公之子，季歷父也。王季，古公之孫，周文王之父也。而殷人獨不

也。言殷獨不追封其先子也。子思曰：文質之異也，周人之所追，大王王季迹起焉。

又曰：文王受命，斷虞芮之訟。以文王斷虞芮之訟，以文王受命之年。伐崇、邦、退、大

夷。崇，侯虎，商時諸侯，作亂。文王伐之。大夷，獫狁，偃，夏文王逐之。追王大王王季，何也？子思曰：狄

人攻大王，大王召耆老而問焉，曰：狄人何來？耆老曰：欲得菽粟

財貨，大王曰：與之與之，至无而狄人不止。大王又問耆老，曰：狄

人何歆？耆老曰：欲土地。大王曰：與之耆老曰：君不為社稷乎？大

王曰：社稷所以為民也，不可以所為民。立民也。耆老曰：君縱不

為社稷不為宗廟乎大王曰宗廟者私也不可以吾私害民遂

杖策而去過梁山止乎歧下梁山在扶風西北其南有周原商民之東脩奔而

從之者幽在商平漆縣之東三千乘一止而成三千乘之邑此王道之端

也成王於是追而王之王季其子也承其業廣其基焉雖同

追王不亦可乎

羊客問子思曰羊客未詳何人古之帝王中分天下使二公治之謂

之二伯周自后稷封為王者後子孫據國至大王王季文王此

固世為諸侯矣焉得為西伯乎子思曰吾聞諸子夏殷王帝乙

之時帝乙紂之父王季以功九命作伯禮九命一命受職再命受服三命受位四命受器五命受則六命受

官七命受國八命受牧九命作伯受珪璜鬯之賜禮九命一命受職再命受服三命受位四命受器五命受則六命受

虎賁六曰朱戶七曰斧鉞八曰弓九曰圭璜故文王因之得專征伐此以諸侯為伯

猶周召之君為伯也周召之地在雍州岐山之陽古公亶父避狄自

子季歷以爲西伯至紂又命文王爲西伯蓋商之州長曰伯謂以文王爲伯而在西也故文王行化而雍梁荆豫徐揚之人咸被其德而從之故語曰三分天下有其二由朕事殷惟與青兗一分屬紂矣文王受命作邑于豈而岐陽周召之地已空故分賜周公召公以爲采邑施大王王季之化於已所職之國傳記言分陝而治者蓋此也

子思年十六適宋宋大夫樂朝與之言學焉朝曰尚書虞夏

數四篇善也數四篇猶言四下此以訖于秦費効堯舜之言耳

殊不如也言秦楚晉費効堯舜之言而殊不如子思答曰事變有極正首當耳

假令周公堯舜更時易處其書周矣言借使堯舜不封於周公樂朝時其二典亦如周書也樂朝

曰凡書之作欲以喻民也簡易爲上而乃故作難知之辭不亦

繁乎子思曰書之意兼複深奧訓詁成義古人所以爲典雅

也昔魯季荅亦有似君之言者言魯季荅亦有如君之言仍答之曰道中人亦有如君之言仍答之曰道

爲知者傳苟非其人道不貴矣今君何似之甚也樂朝不悅而

退曰孺子辱吾其徒曰其徒樂朝此雖以宋爲舊然世有離焉之徒御者

請攻之遂園子思宋君聞之駕而救子思子思既免曰文王死
於牖里作周易祖君屈於陳蔡作春秋吾困於宋可無作乎於
是撰中庸之書四十九篇

作中庸九十九篇以述聖祖之業授弟子
孟軻之徒數百人禮記中庸篇乃其略也

孔叢子卷第二

孔叢子卷第三

臣咸注

巡守第八莊伯之間不及他義獨明巡守故專其目

子思遊齊陳莊伯莊伯齊大夫與登泰山而觀見古天子巡守之

銘焉諸侯為天子守土故稱守巡謂巡行之王者受命必封禪泰山天以根地皆刻石紀号著已之績古如此者十二君除地為壇曰壇以其祭神故從示陳子曰我生獨不及帝王封

禪之世子思曰子不歆爾今周室卑微諸侯無霸假以齊之衆

義鄰固以輔文武子孫之有德者言以義結鄰國則齊桓晉文之事不

足言也陳子曰非不悅斯道力不堪也子聖人之後吾願有聞

焉敢問昔聖帝明王巡守之禮可得聞乎子思曰凡求聞者為

求行之也今子自計必不能行欲聞何為陳子曰吾雖不敏亦

樂先王之道於子何病而不吾告也子思乃告之曰古者天子

將巡牛八先告於祖禰命史告群廟及社稷沂内名山大川所

告者七日而徧親告用牲史告用幣親告用牲亦作幣史告惟用幣而已申

命冢宰而後道而出或以遷廟之主行載于齊車每舍奠焉

舍讀及所經五岳四瀆皆有牲幣歲二月東巡守至于岱宗柴

于上帝燔柴祀上帝以告至望秩于山川九岱嶽境內山川皆如秩序望祭之所過諸侯各侍于

境所過之國其國君皆如秩序望祭之天子先問百年者所在而親見之問老人以求

然後勤方岳之諸侯有功德者則發爵賜服以順陽義無功

者則削黜貶退以順陰義賞以春夏故為賜之義刑之秋冬故為陰之義命史採民詩

謠以觀其風命市納賈察民之所好惡以知其志賈謂物貴賤之

直察其民好惡知其奢儉之志命典禮正制度均量衡考衣服

蓋險則用物貴奢則侈物貴也命典禮正制度均量衡考衣服

之等協時月日辰四時之氣節月之大小日之甲乙辰之次序度

典以均入其疆遺老失賢克在位則君免計克猶山川社稷

正協同之

有不親舉土荒民遊為無教無教者則君退民淫僭上為無法
無法者則君罪入其疆土地墾辟養老尊賢俊傑在位則君有

慶遂南巡五月至于南岳又西巡八月至于西岳又北巡十有

一月至于北岳其礼皆如岱宗歸反舍于外次舍于外次未敢入其宮三日

齊親告于祖禰用特命有司告群廟社稷及所内名山大川而

後入聽朝此古者明王巡守之礼也陳子曰諸侯朝乎天子盟

會霸主則亦告宗廟山川乎問諸侯朝天子泊与伯主盟則亦告宗廟山川乎子思曰

告哉陳子曰王者巡守不及四岳諸侯盟會不越鄰国則其礼

同乎異乎子思曰天子封圻千里公侯百里百七十里子男五

十里虞夏殷周之常制也其或出此封者則其礼與巡守朝會

無變言出此千里百里七十里五十里之其不越封境雖行如國

不越封境則陳子曰古之義也五尺而後知不學者淺之為人也

如在國儀

言不卒則有長
鄰之人无所知曉

公儀第九

魯穆公君公儀高人才論於是而以儲
專其篇乃知千言之實常誦在道矣

魯人有公儀儲者

教本皆作潛詳其行已
疑為公儀休之昆弟

砥節勵行樂道好古

恬於榮利不事諸侯子思與之友穆公因子思欲以為相

魯穆公欲

謂子思

謂子思曰公儀子必輔寡人參分魯國而與之一子

其言之子思對曰如君之言則公儀子愈所以不至也君若饑

渴待賢納用其謀雖蔬食水飲亦願在下風今徒以高官厚

祿釣餌君子無信用之意公儀子之智若魚鳥可也不然則彼

將終身不躡乎君子庭矣且臣不佞又不任焉君操竿下釣

以傷守節之士也

言君徒以高官厚祿釣以傷公儀子
臣不任焉君執釣以傷公儀子

閭丘溫見田氏將必危齊欲以其邑叛而適魯

溫齊大夫也是
孺子元年田乞

與鮑牧以江逐高昭子

穆公聞之謂子思曰子能懷之則寡人

困惠子而殺孺子

割邑如其邑以償子

欲割邑如溫之子思曰

仍雖能之義所不

為也公曰何子思對曰彼為人臣君將顛弗能扶而叛之逆臣

制國弗能以其衆死而逃之此罪誅之人也仍縱不能討而又

要利以召茲非忍行也

言要邑之利以召溫之女則不忍行之

穆公問子思曰吾聞龐棼氏子

龐棼氏子魯人

不孝其行何如對曰

臣聞明君之為政尊賢以崇德舉善以勸民則四封之內孰

敢不化若夫過行

過行猶是細人所識不治其本而問其過臣

不知所以也公曰善

穆公謂子思曰子之書所記夫子之言或者以謂子之辭也子

思曰臣所記臣祖之言或親聞之者有聞之於人者雖非正其

辭然猶不失其意焉

言聞之於人雖非夫子當目君之所疑者

何公曰於事無非子思曰無非所以得臣祖之意也就如君言

何公曰於事無非子思曰無非所以得臣祖之意也就如君言

何公曰於事無非子思曰無非所以得臣祖之意也就如君言

何公曰於事無非子思曰無非所以得臣祖之意也就如君言

以為臣之辭臣之辭無非則亦所宜貴矣事既不然又何疑焉

穆公謂子思曰縣子縣子預也言子之為善不欲人譽言已信于子思

對曰非臣之情也臣之修善欲人知之知之而譽言是臣之為

善有勸也此所願而不可得者也若臣之脩善而人莫知莫知

則必毀臣是臣之為善而受毀也此臣所不願而不可避者也

若夫鷄鳴為善滋滋以至夜半而曰不欲人之知恐人之譽言已臣

以謂斯人也者非虛則愚也夫君子疾沒世而名不稱德猶善而不

胡毋豹豹人謂子思曰子好大世莫能容子也蓋亦隨時乎子

思曰大非所病所病不大也凡所以求容於世為行道也毀道

以求容容何行焉大不見容命也毀大而求容罪也吾弗改矣

子思居貧其友有饋之粟者受二車至或獻以酒東脩子思

弗為常也或曰子取人粟而辭吾酒脯是辭少而取多也於

義則無名於分則不全於校選之而子行之何也子思曰然彼不幸而貧於財至乃困乏將恐絕先人之祀夫以受粟焉周之也酒脯則所以飲宴也方乏於食而乃飲宴非義也吾豈以爲分哉度義而行也或者惜其酒脯以歸

穆公問子思曰吾國可以乎子思曰可公曰爲之奈何對曰苟君與大夫慕周公伯禽之治行其政化開公家之惠杜私門之利結恩百姓脩禮鄰國其興也勃矣子思曰吾之富貴甚易而由勿能夫不取於人謂之富不辱於人謂之貴不取不辱其於富貴庶矣哉能知其反則不取於人何富如之

抗志第十

夫帝王之盛而未嘗能屈於道故志音脩則可驕於王侯是篇皆子思抗志之言大君子宜範焉

曾申

申曾參之子

謂子思曰屈已以伸道乎抗志以貧賤乎子思曰

道伸吾所願也今天下王侯其孰能哉与屈已以富貴不若抗

志以貧賤屈已則制於人抗志則不愧於道

言雖欲屈已以申其道然當時王侯無能

者故不善抗志以貧賤也

子思居衛衛人釣於河得鰥魚焉其大盈車子思問之曰鰥魚

魚之難得者也子思何得之對曰吾始下釣垂一魴之餌鰥過

而勿視也更以豚之半舂則吞之矣子思喟然曰鰥魚難得

貪以死餌士蚩懷道貪以死怨矣

故邦无道富且貴仲尼之所耻也

子思君衛魯穆公卒縣子使乎衛聞喪而服謂子思曰子蚩未

臣魯父母之國也先君宗廟在焉奈何弗服子思曰吾豈愛乎

禮不得也縣子曰請問之荅曰臣而去國君不掃其宗廟則為

之服不掃其宗廟尚有寄公寓乎是國而其國服吾既无列於

魯无列於魯謂魯无著位

而祭在衛吾何服哉是寄臣而服所寄之君

則舊君无服明不二君之義也

言寄臣於衛而為魯君服是有二君矣

縣子曰善哉我未之思也我未之思也

衛君言計非是而羣臣和者如出一口言計雖非而和者皆是之子思曰以吾

觀所為君不君臣不臣者也言君能從諫則可以謂之君臣能強諫則可以謂之臣公丘懿

子曰懿子衛大夫何乃若是子思曰人主自臧臧善也則衆謀不進事

是而臧之猶却衆謀况和非以長乎言事是而自善尚却去衆謀况更和其非日長而无已乎

夫不察事之是非而悅人之讚已罔莫甚焉不度理之所在而

阿諛求容諛莫甚焉君罔臣諛以居百姓之上民弗與也若此

不已國無類矣言國當亡无焦類矣子思謂衛君曰君之國事將日非矣

言國之事當日非壞君曰何故荅曰有由然焉君出言皆自為是而卿大

夫莫敢矯其非卿大夫出言亦皆自以為是而士庶莫敢矯其

非君臣既自賢矣而群下同聲賢之賢之則順而有福矯之則

逆而有禍故使如此夫腹諫之主畏君之口也則善安從生詩

云具曰予聖誰知烏之此鳩雁抑亦似衛之君臣乎

小雅正月刺幽王之詩言

君闇臣愚如鳥之雌雄相類无以別而知之

衛君問子思曰

蓋衛君也

寡人之政何如答曰無非

无非元目下皆諂无敢非

政者君曰寡人不知其不肖亦望其如此也子思曰希旨容媚

則君親之中正弼非則君疏之夫能使人富貴貧賤者君也

在朝之士孰片舍所以見親而取其所以見疏乎是故簞束射

君之心射度君之所為而諛之

而莫有非君之非者此臣所謂死非也公

曰然乎寡人之過也今知改矣答曰君弗能焉口順而心不悛

者臨其事必疏

言口雖順而心不悅者於事必有所疵病而不從

君雖有命臣未敢受也

司徒文子

文子傳改葬其叔父問服於子思

子思曰礼父母改葬

總既葬而除不忍無服送至親也

假其總以改葬詩之父母無而除言不俟三月也

服無服則吊而加麻

非父母无服則其叔父加麻矣

文子曰喪服既除然後乃葬

則其服何服言踰三年而答曰三年之喪未葬服不變除何有

焉言父母之喪未葬則衰不變何除之有焉期大功之喪服其所除之服以葬既葬

而除之其虞也吉服以行事也言大功未葬則以所除之服葬訖而除其虞除則以吉服行之

公叔木才衛公叔文子之子定公十四年奔魯或為朱春秋作木謂申申曰吾於子思親而

斫之子思未吾察也申祥以告曰人求親斫於子子何厚焉子

思答曰義也由祥曰請問之答曰公叔氏之子愛人之同已慢

而不知賢人同已則愛之不夫其親斫非心見吾所可親斫也

以人口而親斫吾則亦以人口而疏慢吾矣言人之口善我則親而斫我人之口毀我

則必適而慢我非其心申祥曰其不知賢奈何答曰有龍穆者

知我可敬而敬我也孟子稱龍子曰不知足而為履我知其不為貴也趙岐曰龍子古之

賢人臣威嚴龍子曰即穆也詳其為履不為貴之言止一辨士而已與

子思所謂好飾辭說義頗協故不當為占之貴人蓋見孟子之謂

為賢人孟軻亦筆易牙為知味又謂為賢人耶所幸但早其近事不

徒好飾辭詳說觀於坐席相人眉睫以為之意天下之淺人也

而公叔子交之橋子良

子良衛賢人

修實而不修名為善不為人之

知已不撞不發如大鍾然天下之深人也而公叔子與之同邑

而弗能知此其所以為愛同已而不知賢也

子思自齊反衛衛君館而問曰

當衛時公時

先生魯國之士然不

以衛之褊小猶步王趾而慰存之願有賜於寡人也

賜謂以教海之言為賜

子思曰臣羈旅於此而辱君之威尊亟臨華門其榮多矣欲報

君以財幣則君之府藏已盈而臣又貧欲報君以善言恐未合

君志而徒言不聽也顧未有可以報君者唯違賢矣衛君曰賢則

固寡人之所願也子思曰未審君之願將何以為

言未審君以何為賢

君曰必用以治政子思曰君弗能也

言君必不能用為政之賢

君曰何故答

曰衛國非無賢才之士而君未有善政是賢才不見用故也

君曰雖然願聞先生所以為賢者荅曰君將以名取士即以

實取士耶君曰必以實子思曰衛之東境有李音者賢而有實

者也君曰其父祖何也答曰世農夫也衛君乃盧胡大笑曰

寡人不好農農夫之子無所用之且世臣之子未悉官之

子思曰臣稱李音稱其賢才也周公大聖康叔大

賢今魚衛之君未必皆同其祖考

李音父祖雖善農則音亦未必与之同也君言世臣之子未

悉官之則臣所謂有賢才而不見用矣臣之問君固疑君

取士不以實也今君不問李音之所以為賢才而問其世農夫

因然而不受則君取士果信名而不由實者也衛君無所

衛君曰大道大而難明非吾所能也今欲李術何如

子思曰君無然也賅道者逸而不窮任術者勞而无功

古之篤道君子生不足以喜之利何足以動之死不足以禁之

害何足以怨之生尚不足喜何利能動死尚不足禁故明於死生

之分通於利害之變雖以天下易其脛毛無所堅於志矣天下

脛毛至微尚不以易之而動量其志一本作脛一毛是以與聖人居使窮士忘其貧賤使王公

簡其富貴君無然也衛君曰善

齊王謂子思曰蓋齊簡公也今天下擾諸侯無伯吾國大人衆

圉帝何如子思曰不可也君不能去君貪利之心王曰何害子

思曰夫水之性清而土壤汨之也汨亂人之性安而嗜欲亂之故能

有天下者必无以天下為者也能有名者必有以名者為者

也達此則其利心外矣言无驕之心則天下与名皆全

衛將軍李之丙子死文子名弥牟司寇惠子叔蘭之兄也卿之妻曰丙子復者曰皇媚女後

招魂曰復亂人之死外屋而号告曰畢其子思聞之曰此女氏之

復畢美之稱此其丙子故曰媚女復字非夫氏之名也婦人於夫氏以姓氏稱礼也婦人以夫氏猶云

姜穆妻蔡姬之云

弗子陽

傳大夫

謂子思曰吾念周室將滅泣涕不可禁也子思

曰然此亦子之善意也夫能以智知可死而不能以智知未可

知危之道也今以一人之身憂世之不治而泣涕不禁是憂河

水之濁而以泣清之也其為無益莫大焉故微子去殷紂季入

齊良知時也

微子啓商帝乙之首子紂之庶兄以紂滿亂不終終齊為附庸之君附屬齊國鄒紀邑季紀侯之弟初齊侯鄭伯許朝于紀

欲以陳之紀人大懼陳難於魯請王命以求成于齊公告不能齊遂廢

之其三邑國有旦夕之危而不能自入為附庸故分季以鄭使清事

于齊紂侯大夫之後季為附庸先祀不廢社稷有奉季之力也故書字

而分地建國為南面之主得立宗廟守祭祀

唯能不憂世之乱而

身不治則士可及

患身之不治者可與言道矣

齊王戮其臣不辜謂子思曰吾知其不辜而適觸吾忿故戮之

以為不足傷義也子思曰文王葬枯骨而天下知仁商紂斬朝

涉而天下稱暴夫義者不必徧利天下也暴者不必尽虐海內

也以其所施而觀其意民乃去就焉今君因心之忿遷戮不辜
以爲無傷於義此非臣之所敢知也王曰寡人實過乃今聞命
請改之衛公子交見於子思曰先生聖人之後執清高之操天
下之君子莫不服先生之大名也交與不敏切慕下風願師先
生之行幸顧卹之敬師其所謂清高之行子思曰公子不宜也夫清高之
節不以私自累不以利煩意擇天下之至道行天下之正路今
公子紹康叔之緒處戰伐之世當務收英雄保其疆土非所以
明否臧立規檢脩匹夫之行之時也言清高之節乃匹夫之爲非
等所行蓋子思排有之語
衛公子交饋馬四乘於子思曰交不敢以此求先生之歡而辱
先生之索也先生久降於鄒士蓋爲賓主之節焉子思曰臣寄
命以來度身以服衛之衣量腹以食衛之粟矣且又朝夕受酒
脯及祭膾之賜衣食已優意氣已定以無行志未敢當重馬

之貺

言已已安居於衛无行志故无以當乘馬之賜

禮雖有爵賜人不踰父兄

孔人子三賜不及車

馬故重有爵賜人不踰父兄也

今重違公子之盛旨則有陷禮之僭焉若何

重違盛意而受之則有陷禮之過

公子曰交已言於君矣荅曰不可為人子者

三賜不及車馬公子曰我未之聞也謹受教

穆公欲相子思

魯穆公欲以子思為相

子思不願將去魯魯君曰天下之

王亦猶寡人也去將安之子思荅曰蓋聞君子猶鳥也疑之則

舉今君既疑矣又以已限天下之君臣切為言之過也

又慮度天下之君臣皆如已非言之過

齊王謂子思曰先生名高於海內吐言則天下之士莫不屬耳

目今寡人欲相梁起起也名少

各少言无所聞

顧先談說之也

說以善之

子思曰天下之士所以屬耳目者欲伐之言是悲富也今君使

伐虛談於起則天下之士必改耳目矣耳目既改又無益於起

是兩有喪也故不敢承命齊君曰起之不賢何也子思曰君豈
未之知乎厚於財色必薄於德自然之道也今起以貪成富問
於諸侯而無救施之惠焉以好色聞于齊國而無男女之別焉
有一於此猶受其咎而起二之能無累乎主曰寡人之言實過
願先生赦焉

子思見老萊子

老萊子楚人也耕于蒙山楚王嘗聘之不起孝子傳稱老萊子至孝奉二親行年七十著五刑

編衣弄鳥於親側著書十篇言道家之用與孔子同時老萊子聞穆公將相子思

將以子思為相老萊子曰若子事君將何以為乎子思曰順吾性情以

道輔之無死焉老萊子曰不可順子之性也子性剛而傲不

肖且又無所死亡非人臣也子思曰不肖故人之所傲也

尼雅互卿豈傲夫不肖蓋老萊子無意生靈惟夫事君道行言聽則

何所死亡道不行言不聽則亦不能事君所謂無死亡也

行言建則世治主正元元所死亡矣若則飛真何死亡之有老萊子白子不見夫齒乎雖堅剛

卒尺相摩舌柔順終以不輟子思曰吾不能為舌故不能事君

魯受齊與夫子遂行
蓋美不能為舌尔

小爾雅第十一

經傳字義有所未暢釋而
言之於尔雅為小焉

廣詁第一

淵懿邃曠深也

淵言曰文王淵懿也

封巨莫奔艾祁大也

封豕

文亦為文也

頽賦鋪敷布也蓋戴壽蒙冒覆役也鐘崇府最

積灌聚撲叢也

詩集于灌木言叢木也故撲鄰東成云閱搜履正

具也攻為詁相旬宰營丘治也

詁旬末詳四餘皆常意蠲被裡屑潔也為蠲

被其不祥種干

六宗皆言果也勿蔑微曼末沒無也隆果岸峻高也

果取其巢

通尼附切局鄰傳戚近也

書謂鄰哉夫可以戚

邵媚首伐美也法

言西言言華也

賢哀敬優饒夥多也幾蔡模臬法也微亦可為

法亦法也

爰煥變質交更易也

爰亦為

生造奏詣進也索寒

採哀鉤掠採略也開徹接通達也固歷弥宿舊尚久也弥愈滋

弥強益也赫數契曉昕著讚曙明也數讚皆附龍就因也封

吟際限疆略界也承第班列次也戶校格苞止也

戶取其闔礙

皆義幽晴闇昧冥也最凡目質要也疆窮充竟也而乃爾若

汝也控轡挽引也承贊涼助佐也尋由以用也要捷集載成也

肆赴捷疾也造之如適也撥督撫拾也肄于燼餘也拓斥啓闢

開也杜贊充牣塞也實物滿也聿率厲勸也勤勉事力也經省

省過也闕缺間隙也迭遞交更也燂剋沒滅也玄黔黷黷黑

也縞皓素白也彤粹頽組赤也滛溢沉滅沒也載功物事也

廣言第二

晏明陽也盱晏晚也等麗數也

麗取其數各突艾老也食

皆同也交校報也犯而不校舒布展也揚者舉也索略求也獲

十得也奚害何也詩言辭害否里度居也周浹匝也充該備也

列厥陳也轡朝輿也廢措置也駕乘凌也收戡斂也禁錄

也掌司主也偏贅屬也麗著思也載略行也沓襲合也抵享

當也庚徹道也脩抒長也校戰交也謁復白也勅質正也商幾

末也延衍散也末沒終也此辨別也菲京薄也復旋還也祖翼

送也走即伐也姓命孳子也姓孔所謂子謂顓和也按寤覓也

撼猜恨也艾尽止也捫念也左氏傳云今奸犯也汨緝乱也縮

續抽也暨捷及也苞跋本也孔燭跋易苞肆臬極也睇題視也

犯肆突也東縻縛也肆從逐也放投弃也葦蕪草也暴曝曬也

炊也左氏傳曰司馬司寇列晞煇乾也作煇迪跡蹈也衍演廣也

袤從長也荷揭擔也仍再也徇歸也工官也稽考也顓頊也跡

陞也戕殘也勦截也辟除也愚患也謫責也間非也人無間言蓋非之謂

也順退也抗禦也斬取也鉅戲也褊狹也甚忌也左氏傳曰趙襄子由

是甚沮疑也虧損也毀壞也判散也蔽斷也志周禮亦出

交俱也俘罰也夷傷也枳害也一作締閉也麻非細也辨使也牧

臨也嘗試也賴羸也若乃也嗟發聲也奏為也振殺也庸償

也賈價也贖足也曹耦也麗兩也亦作麗驟數也呈快也越遠也

姑且也舒可也釋解也庸善也存重也存升也勵勉也赫顯

也贖是也不莊也倭才也既息也大雅曰不解于話善也愿謹

也丰豐也都盛也史稱甚都腴厚也重緩也寬逐也紀基也甚

心教也亦作整頓也勸強也詩小雅云不勸懲遺一若勸正且也薄

迫也燿煥也左氏傳曰資取也質信也餽饋也悲依也藉借

也際接也藁外也閔限也廬寄也萃集也造倅也无怪也曹

慙也素空也素故也視此也惶往也矜惜也但快也觀望也何
任也御侍也殷慎也真選擇也宣示也

廣訓第三

諸之乎也諸之乎也旃之也旃焉也惡乎於何也烏乎吁嗟也
吁嗟嗚呼也有所歎美有所傷痛隨事有義也無念念也無
寧寧也無顯顯也不承承也不肖不似也繩之譽之也詰朝明
且也也黃者言壽考也公孫碩膚德音不瑕道成王太美
聲稱遠也碩大言成王不可瑕駟不難聲言聲聲也
外然盛也我從事獨賢務事獨多也勛勛勳勳南南言其大也鹿鹿
鹿鹿鹿鹿諱衆也牝鹿曰鹿鹿言衆多也海海物維維錯錯錯錯金金雜雜也雜毛曰羴雜
采曰繪雜言曰唯

廣義第四

凡无妻无夫通謂之寡寡夫曰鳏寡婦曰釐妾婦之賤者謂之
 属婦属連也逮婦之名言其微也非分而得謂之幸聖真以
 祥謂之讓男女不以禮交謂之淫上淫曰姦下淫曰報旁淫曰
 通不直失節謂之慙慙愧也面慙曰慙心慙曰慙射慙曰遂

一本
 作竣

廣名第五

諱死謂之大行死而復生謂之大蘇疾其謂之占然也言請

天子命曰未可以戚先生書云未可以戚先王戚近也請諸侯命曰未可以

近先君請大夫命曰未可以從先子空棺謂之櫬有死謂之

柩饋死者謂之贈衣服謂之襚埋柩謂之殮殮坎謂之池墳

謂之窆下棺謂之窆填窆謂之封宰冢也龍塋也無主之鬼謂

之殤言无其父謂之殤

廣服第六

治絲曰織織縐也麻紆曰布布通名也縐綿也紫之細者曰

縐縐之精者曰縐縐之麤者曰素葛之精者曰絺麤者曰紵在

首謂之元服并髦太古布冠冠而敝之者也題由也題通也題額也

顛顛顛額也至謂之印紱謂之緩褱褱謂之童容褱褱謂之童容

童布褐而紱之謂之藍縷藍縷謂之藍縷也漢晉人呼縷衣為藍縷

袴謂之褰蔽膝謂之裋帶之垂者謂之厲厲大也

巾謂之冪覆帳謂之帷帷幕也冪其牀第也大扇謂之可瑟瑟謂

之提史有提鉞謂之義鉞乃高篇基局謂之義鉞乃高篇奕奕在足謂之履

尊者曰達履謂之金馬而金鈎也禮里履青紵赤馬里紵

廣器第七

射有張布謂之侯侯天子能侯諸侯侯侯侯大夫布侯言侯

侯中者謂之鵠鵠中者謂之正正方二尺九畫采謂之正捷皮謂

中如鳥之薄木也畫五色於侯中為正正中者謂之鵠方制獸皮能於侯

棘戟也鉞鉞斧也干腋肩也戈句于戟也鄭康成周凡注刀之

削謂之室室謂之鞬鞬鞬鞬之飾也鞬佩刀前上飾鞬矢服謂

之版小船謂之艇艇之小者曰艇艇頭謂之舳舳尾謂之艦艦謂

之撓車轆上者謂之轆轆謂之輶輶謂之枕較謂之軒輶與後

兩轆上出衡扼也振上者謂之鳥啄纍纍綆綆也綆索也大者謂

之索小者謂之繩詘而卒之為綆綆而終之為索綆一水注也

結墉城地也墉墉謂之陴左氏傳授高平謂之太原汪氏注也

然墉城地也墉墉謂之陴水之北謂之汭澤之廣者謂之衍

廣物第八

藁謂之稭稭謂之芻生曰穀謂之粒菜謂之蔬禾稊謂之穎

曰倍倍倍謂之尋尋舒兩肘也倍尋謂之常五尺謂之墨倍

墨謂之入倍入謂之端倍端謂之兩倍兩謂之疋疋有謂之束

禮云練五兩以兩為束蓋每束兩兩卷之二大勝合則

皮疋九十卷法五束以應于九地十之數與此制異焉

一手之盛謂之溢溢滿也謂滿兩手謂之掬一升也掬四謂之

豆豆四謂之區區四謂之釜昔者因舊置量乃豆區釜鍾也四升為豆

州也釜十為鍾六斛四斗也齊陳氏以五升為豆五豆金二有半謂

一數九一斛六斗數二有半謂之釜九四二釜謂之鍾二鍾謂之

秉秉十六斛六斛為秉衡衡二十四銖曰兩黃鍾

容子二百黍中十二銖兩有半曰捷倍捷曰率倍率曰鈞鈞謂

之金文率三兩鈞六兩二銖四兩謂之斤斤十謂之衡衡有半謂

之秤秤十有秤二謂之鈞鈞三鈞四謂之石石四謂之鼓

孔叢子卷第三

孔叢子卷第四

臣咸 注

公孫龍第十二

公孫龍辨因是而彼名書
千題所以顯子高之正論

公孫龍者平原君之客也

平原君趙勝趙惠文王弟最賢言賓客
相惠文王及孝成王三去相三復位封於

東武城公孫龍喜與堅白之辨平原君嘗
厚待之及而術過趙言至道乃幽公孫龍好刑名以白馬為非白

馬龍之學則曰馬而已何獨以
白為非白以白馬為非白馬或謂子高曰子高孔穿字孔其之

辯者謂此人小辨而毀大道以
非馬為非小人元乃毀道之甚子蓋往

正諸子高曰大道之博天下之交往也吾何病焉

言既博大道
則天下當同

往而或曰雖然子為天下故往也子高適趙去龍會平原君

家謂之曰僕居魯遂聞下風而高先生之行也願受業之日久

矣然所不取於先生者獨不取先生以白馬為非白馬爾誠去

非白馬之學則穿請為弟子公孫龍龍曰先生之言博也龍之

學正以白馬非白馬者也今使龍去之則龍無以教矣今龍為
無以教而乃學於龍不亦悖乎且夫學於龍者以智與學不逮
也今教龍去白馬非白馬是失教也而後師之不可也先王之
所教龍者似齊王之問尹文也尹文齊大夫齊王曰寡人甚好士而
齊國無士尹文曰今有人於此事君則忠事親則孝交友則信
處鄉則順有此四行者可謂士乎王曰善是真吾所謂士者也
尹文曰王得此人肯以為百乎王曰所願不可得也尹文曰使
此人於廣庭大衆之中見侮而不敢鬪王將以為百乎王曰夫
士也見侮而不敢鬪是辱則寡人不以為百矣尹文曰雖見侮而
不鬪是未失所以為士也然而王不以為百則臣卿讀為鬪鬪所
謂士者乃非士乎夫王之令殺人者死傷人者刑民有畏王令
故見侮終不敢鬪是全王之法也而王不以為百是罰之

也且王以不敢闕為辱必以敢闕為榮是王之所賞吏之所罰

也言闕則法所非也上之所是法之所非也言闕則法所非也

相與曲謬雖十黃帝固所不能治也言雖以十人黃帝亦不能治齊王無以應

且白馬非白馬者乃子先君仙左之所取也龍強以仲尼去楚言人而與已李義同

龍聞楚王張繁弱之弓載忘歸之矢以射蛟兕於雲夢之囿雲夢

楚王反而喪其弓左右請求之王曰止也楚人遺弓楚人得之

又何求乎仲尼聞之曰楚王仁義而未遂亦曰人得之而已矣

何必楚乎若是者仲尼異楚人於所謂人也夫是仲尼之異楚

人於所謂人而非龍之異白馬於謂馬悖也先生好儒術而非

仲尼之所取也以仲尼異楚人於所謂人而同已欲孝而使龍去所

以教雖百龍之智固不能當前也言雖以百公孫龍亦不能當子高莫之應退而

告人曰言非而博巧而不理此固吾所不答也異日平原君會

衆賓而延子高平原君曰先生聖人之後也不遠千里來顧臨
之欲去夫公孫子白馬之學今是非未分而先生翻然歆高逝
可乎子高曰理之至精者則自明之豈任穿之退哉平原君曰
至精之說可得聞乎荅曰其說皆取之經傳不敢以意言不敢以意辨
春秋記六鵠退飛觀之則六祭之則鵠猶馬也六猶白也觀之
則見其白祭之則知其馬色以名別內由外顯謂之白馬名實
當矣言鵠之不可去六猶馬之不可去白也若以絲麻加之女功為緇素青黃世名
雖殊其質故一是以詩有素絲不曰絲素禮有緇布不曰布緇
纁牛玄武此類甚衆先舉其色後名其質萬物之所同聖賢之
所常也舉色名質聖賢所同君子之謂貴當物理不貴繁辭
若尹文之折齊王之所言與其法錯故也穿之所說於公孫子
高其智悅其行也夫白馬之說智行固存是則穿未失其所歸

者也稱此云云沒其理矣

稱此云云猶言者以白馬為非

是楚王

之言楚人亡弓楚人得之先君夫子探其本意欲以示廣其實

狹之故曰不如亦曰人得之而已也

言楚王云楚人得之欲示其廣

是則異楚王之所謂楚非異楚王之所謂人也以此為喻乃相

擊切矣凡言人者惣謂人也亦猶言馬者惣謂馬也楚自國也

白自色也欲廣其人宜在去楚欲正名色不宜去白誠察此理

則公孫之辨破矣

去楚則義窮去白則物素

平原君曰先生言於理善矣

因顧謂衆賓曰公孫子能答此乎燕客史由對曰辭則有焉理

則否矣

使小辨之辯則有合大道之理則否

公孫龍又與子高池論於平原君所辨理至於臧三耳公孫龍

言臧之三耳甚辨析

臧善也龍以書有四目四惑之義遂以聽天地

之辨謂白馬非白馬之云當特指言言之而不能破故子高曰今為臧三耳甚

難而謂非也謂臧三耳甚易而實是也臧三耳一說作臧三牙皆當時說解

云子高弗應俄而辭出明日復見平原君曰疇昔公孫之言信

辨也先生實以爲何如荅曰然幾能臧三耳矣然實難

臧三耳之辨雖實難然理甚非

僕願得又問於君今爲臧三耳其難而實非也

謂臧兩耳甚易而實是也不知君將從易而是者乎亦其從難

而非者乎平原君弗能應明日謂公孫龍曰公無復與孔子高

辦事也其人理勝於辭公辭勝於理辭勝於理終必受詘

李實言曹良於平原君欲仕之

李實曹良皆趙人

平原君以問子高

子高曰不識也平原君曰良嘗得見於先生矣故敢問子高曰

世人多自稱上用我則國無患夫用智莫若觀其身其身且

由不免於患國用亦惡得無患乎平原君曰良之有患時不明

也居家理亦可移於官良能殖貨故欲仕之

言曹良居家能殖貨必能於官故欲仕

之子高曰未可知也今有人於此身脩計明而貧者志不存也

志不存不得其志身不脩會計閭而富者非盜无所得之也不盜而富非盜焉至

儒服第十三皇極之道皆出於此故所以首衆說

子高曳長裾振袂袖方履麕屨也見平原君曰吾子亦

儒服乎子高曰此而衣之服非儒服也儒服非一也平原君曰

請吾子言之答曰夫儒者居位行道則有袞之服統御師旅

則有介冑之服遠言將相亦儒者所為從容徒步則有若穿之服故曰非一

也平原君曰儒之為名何取爾子高曰取包衆美兼六藝動靜

不失中道仲尼云汝為君子儒无為小人儒子高之言皆非所謂君子儒乎

子高遊趙平原君客有鄒文季節者與子高相友善及將還

魯諸故交訣既畢文節送行三宿臨別文節流涕交頤子高徒

抗手而已公背就路其徒問曰先生與彼二子善彼有戀之

心未知後會何期悽愴流涕而先生厲聲高揖无乃非親親之

謂子子高曰始吾謂此二子丈夫爾乃今知其婦人也人生則
有四方之志豈鹿豕也哉而常聚乎其徒曰若此二子之泣非
耶咨曰斯二子良人也有不忍之心其於敢斷必不足矣言不
能斷其徒曰凡泣者一無取乎子高曰有二焉大姦之人以泣
自信婦人懦夫以泣著愛

平原君與子高飲強子高酒曰昔有遺諺堯舜千鍾孔子百
觚觚三升子路嗑嗑尚飲十榼古之賢聖无不能飲也吾子
何辭焉子高曰以穿所聞賢聖以道德兼人未聞以飲食也平
原君曰即如先生所言則此言何生子高曰生於嗜酒者蓋其
勸厲將戲之辭非實然也平原君欣然曰吾不戲子無所聞
此雅言也

平原君問子高曰吾聞子之先君親見衛夫人南子又玄南遊

過乎阿谷而交辭於漂其以水信有之乎谷曰士之相保聞

流言而不信者何哉以其所已行之事占之也昔先君在衛衛

君問軍旅焉拒而不告色不已攝駕而去攝取也言顧其顏色尚

衛君請見猶不能終何夫人之能覲乎古者大饗食夫人與焉於

時禮儀雖廢猶有行之者意衛君夫人饗夫子則夫子亦弗

獲已矣夫人在絺帷中孔子入門北面稽首夫人自帷中拜若夫

阿谷之言起於近世殆是假其類以行其心者之為也

戰國用許聖人之道義故有假其

子高適魏會秦兵將至信陵君魏秦開趙邯鄲魏公子信陵

遂留趙秦開公子在趙日夜出兵東伐魏魏王患之使使往請公子

公子歸以魏諸侯聞公子將各遣將以兵救魏公子率五國之兵破

秦軍於河外走蒙驁奪乘勝逐秦造子高之館而問祈勝之禮焉

言祈祀子高曰公即勇謀之將以御敵先使之迎於適所從來之

方為壇祈克乎五帝衣服隨其方色執事人數從其方之數其

方之數則北方七人南方九人東方十一人西方十三人牲則用其方之牲祝史告于社稷宗

廟邦域之內名山大川君親素服誓衆于太廟曰其又不道

侵犯大國二三子尚皆同心比力死而守將帥稽手再拜受命

既誓將帥勒士卒陳于廟之右君立太廟之庭祝史立于社百

官各敬言其事御于君以待命乃大鼓于廟門詔將帥命卒習

射三發擊刺三行告廟用兵于敵也五兵備効乃鼓而出以

即敵此諸侯應敵之禮也信陵君曰苟受教信陵君問子高

曰古者軍旅賞人必於社戮人必於社其義何也荅曰賞功於

祖告分之均示弗敢專也人君親征必載廟主於齊車有廟則賞

戮罪於社告中於土示聽之當也人君親征又載社主而行不用

社主陰陽主殺焉土居中故亦曰告中於土示聽之得中而當

陳祗性多穢嘗每得酒食輒先撥捐之然後乃食子高

告之曰子無然也似有能者

言似驕而有作躬能者

昔君子之於酒食有

率嘗之義無損放之道假其可食其上下如擇假令不効亦其下

滋甚

言食之上下假

陳祗曰吾知其無益意欲如此子高曰

意不可恣也夫木之性曲者以隱括自直

隱括揉木器也

可以人而不

如木乎子不見夫鷄耶聚穀如陵跪而啄之若縱子之意則与

鷄豈有異乎陳祗跪曰吾今而後知過矣請終改之

子高任司馬人為將於齊

司馬又齊人任謂陳氏之與燕戰而敗齊君曰以

子賢明故信子也答曰君知穿孰若周公齊君曰周公聖人而

子賢者弗如也子高曰然臣固弗如周公也以臣之知又孰若

周公之知其弟齊君曰兄弟審於他人子高曰君之言是也夫

以周公之聖兄弟相知之審而近失於管蔡明人難知也臣與

又相見觀其材志察其所履齊國之士勇能過也尚書曰知人

則哲惟帝難之穿何慙焉且曹子為魯三與齊戰三敗失地然

後以勇敢之節奮三尺之劍要相公管仲於盟壇卒收其所喪

曹子魚將曹沫也魯莊公與齊桓公為柯邑之盟曹沫以匕首劫桓公於壇請反魯之侵地遂與沫盟夫君子之敗

如日月之蝕人各有能入庸可并乎今燕以詐破又是又不能

於詐也臣之稱又稱其武勇才藝不稱其有詐也又與敗臣固

未失其所稱焉齊君屈辭而不黜司馬又

對魏王策十四此篇雖有齊王之問然魏王問人主所以為患魏王合魏安釐王昭王之子也問人主之大患者子高對曰建

大臣而不與謀建華者言用則知上以疎自疑大臣既不与謀復

陳已矣薛子臣以遇微幸者內則射合志外則擬主之非此

最人主之大患也言為人主大患無出乎此也子高謂魏王曰臣入魏國見

君之二計臣為張叔謀有餘范威智不逮然其功一也王曰叔
也有餘威也不逮何同乎荅曰駑驥同轅伯樂為之咨嗟玉石
相揉和氏為之歎息故賢愚共貫則能士匿謀真偽相錯則
正士結舌叔雖有餘猶威不逮也言謀智雖異而其所以
謂相錯同焉

魏王問如何可謂大臣子高荅曰大臣則必取衆人之選舜有
選於衆非非陶不仁者遠矣湯有天下選於衆
伊尹不仁者遠矣故大臣有不山衆人之選能犯顏諫事公
正無私者許陳事成主裁其實事敗臣執其咎事成則歸美
於王主任之而無疑臣當之而弗避君物其勤官行其義然則
臣不猜於君臣不隱於君故動無過計舉無敗事是以君主並
各有得也

信陵君問曰古之善為國至於無訟其道何由荅曰由乎政善
也上勤德而無私德無不化俗無不移動之所譽政之所是

也衆之所毀政之所非也

衆善而貴之是至公于賢也衆毀而賤之是不私乎惡也

毀譽

是非與政相應所以無訟也

賞當其功罰中其罪俗不化夫何訟之有

齊王行車裂之刑群臣諍之弗聽

齊王乃齊平公之子宣公也

子高見齊王

曰聞君行車裂之刑無道之刑也而君行之臣切以為下吏過

也

不許斥王故以爲下吏之過

王曰寡人爾民多犯法爲法之輕也子高曰

然此誠君之盛意也夫人含五常之性有哀樂喜怒哀樂喜

怒無不過其節節過則毀於義民多犯法以法重無所措手足

也今天下悠悠主不定處有德則住無德則去欲規霸王之

業與衆大國爲難

君今天下之士欲規霸王之業與衆大國以事之爲難得也

而行酷刑以懼

遠近國內之民將畔四方之士不至此乃立國之道君之下吏

不具以聞徒恐逆主意以為憂不慮不諫之危亡其所矜者小

所喪者大故曰下吏之過也臣觀之又非徒不諫而已也心知

此舉之為不可將有非議在後則因曰君之意實然

言君意欲民犯法故

然我諫諍必有龍逢比干之禍是為虛首居於忠正之地而

聞推君主使同於桀紂也且夫為人臣見主非而不諍以陷主

於危亡罪之大者也人主疾臣之弼已而惡之責臣以箕子比

干之忠惑之大者也齊王曰謹聞命遂除車裂之法焉

子高見齊王齊王問誰可臨淄宰稱管穆焉

管穆齊之賢人

王曰穆

容貌陋民不敬荅曰夫見形在德且臣所稱穆其材也君王聞

晏子趙文子乎晏子長不過三尺面狀惡齊國上下莫不宗焉

趙文子其身如不勝衣其言如不出口非但躰陋辭氣又訥訥

然其相晉國晉國以寧諸侯敬服皆有德故也

趙文子晉卿也其才退然

如不勝衣其言訥訥如山且請其口所奉晉國晉國之士

七十有餘家生不及其死不屬其家此其為有德者也

以穆軀形

方諸二子猶悉賢之昔臣常行臨淄市見屠商焉

屠商蓋言商之為屠人者

身脩八尺鬚髯如戟面正紅白市之男女未有敬之者無德故也王曰是所謂祖龍始者也祖龍始乃屠商之姓各子曰屠商齊王聽之故曰是所謂祖龍始者也誠如先生之言於是乃以管穆為臨淄宰

孔叢子卷第四